



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 3. De P. Parentis per Dei Maternitatem exaltatione.

**urn:nbn:de:hbz:466:1-45396**

## EXERCITIUM III.

De P. Parentis per Dei Maternitatem exaltatione, &c.

1. **S**Tatue te coram P. Parente Virgine **MARIA.**

2. Expende: quantum illam exaltaverit, & ditaverit, & honoraverit Deus, assumendo illam sibi in Matrem?

3. Dedit se illi in Filium: & per hoc potestatem atque omne jus contulit ei super se, fundamentum atque radicatum immobiliter: quia ex ratione principiationis suæ ab illâ deductum. Quod impossibile est, & non sequi, & non durare, quamdiu durat & stat, quod **MARIÆ** Filius ex eâ conceptus, factus & natus, sit Deus: & **MARIA** est vera, propria, Naturalis Dei genitrix.

4. Per hoc etiam; quia **DEUS** dedit se **MARIÆ** in Filium: contulit ei plenum in se Dominum, regnativam potestatem, Hereditationemque sui absolutam: ita ut fas fuerit **MARIÆ**, Filium **DEUM**, ex se genitum, tanquam mancipium habere: imò & in mancipium vendere, si ita necessitas exegisset. Proles namque naturaliter servitium debet Parentibus, & hi, jus regnativum habent in prolem, & sunt ejus heredes tanquam possessionis suæ propriæ, & in vitæ suæ, libertatisve subsidium, possunt proles vitâ & libertate uti. Et potestne aliquid amplius ad istam **MARIÆ** exaltationem addi, aut etiam excogitari? O verè Domine **JESU**,

*Luc. 11. 21. beatus venter, qui te portavit, & ubera que sustulisti.*

5. Per

5. Per hoc etiam; quia Deus se Filium MARIE fecit, contulit illi, ditavitque illam amplius, quam ditasset, si illi omnem Creaturam, etiam possibilem, in possessionem, & divitias donasset: Unus enim ac solus, ac nudus Deus, major, pretiosior, locupletior, & ad locupletandum eum à quo possideretur, (maximè si Maternè & generatoriè possideretur,) aptior, & amplior est: quàm omnes Creaturæ simul possessæ, & hereditatæ.

6. Per hoc etiam; plus contulit MARIE Matri suæ, Deus Filius: quàm ulli; imò, quàm omnibus simul Creaturis contulit, aut conferre possit: propter eandem modò dictam causam; quia scilicet unicus, solusque Deus, est omnibus rebus reliquis major, pretiosiorque: unde quando se unicum MARIE dedit, præsertim in Filium, plus ei dedit, quàm ulli creaturæ, aut etiam simul omni dedit, darevè potuit.

7. Per hoc etiam, quòd MARIAM in suam Matrem accepit, fecit eam suam Causam, suamque Principium, & Existentiæ suæ Theandricæ originem, ac fontem. Conceptus enim ex eâ, sive de ejus substantiâ: formatusque ex eâ, & simul ab eâ, natus quoque, & in mundum editus, genitusque est ex ipsâ: deinde etiam lactatus & nutritus, & ad incrementum congruum perductus ab ipsâ: ob quod, plus ab unâ solâque suâ genitrice MARIA accepit, & plus ab eâ, ex eâque habet substantiæ, quæque substantiam consequuntur, quàm ab ullâ creaturâ. Ob quod etiam, nulli creaturæ amplius debet Deus Homo, quam uni MARIE Matri suæ. Neque ab ullâ creaturâ quidquam pretiosius, ac se dignius accepit,

Handwritten notes in the right margin, including the word "SICKI" and other illegible characters.

III. atem ex Virgine averit, & do illam c potestue, funde- uia ex ra- eductum. t non du- MARIE Fi- sit Deus: s Dei ge- dedit se um in se Heredita- nerit MA- um, tan- mancipi- . Proles arentibus, n, & sunt e proprie, possunt é aliquid nem addi, ne JESU, ue suscepit 5. Per

cepit, quàm à Matre suâ Mariâ. Accepit enim se totum, Deum scilicet ac Hominem: quo in Christo nihil est pretiosius; accepit autem generatoriè, quo in Mariâ nihil est item pretiosius atque dignius: Itaque Christus, quâ DEUS & Verbum, est ex Patre modo generatorio: quâ Deus Homo est, non est ex Patre modo generatorio. Idem Christus de Spiritu quidem Sancto conceptus est DEUS Homo, sed non ex substantiâ Sancti Spiritûs, neque modo generatorio: at verò ex Mariæ Virginis utero, sanguine, & substantiâ, genitus, conceptus, factus est Deus Homo, generatorio modo, & tanquam verus Filius.

8. Ergo in unâ solâque Virgine Mariâ, plus est ex DEO, quàm in ullâ, & omni simul creaturâ: Itemque ex unâ, solâque Virgine Maria, plus est in Deo, quàm ex ullâ, simulque omni creaturâ, & longè in immensum excellentius est, & MARIA DEI, & DEUS MARIÆ; quàm ulla creatura, Dei est, & quàm ullius Creaturæ Deus est.

9. Ideo totâ substantiâ tuâ: omnibusque viribus tuis atque visceribus cordis & corporis, æstimabis, exaltabis, appretiabis, & glorificabis, amabisque pretiosissimam hanc Dei Matrem, atque Virginem, super omnes res, quæcunque infra Deum sunt: gratulaberisque eidem P. Parenti hanc tantam DEI profusionem super eam, hanc tantam exaltationem ejus à DEO, per Deum, & ex ipso Deo.

## P R A X I S.

**P**retiosissima DEI mei Mater MARIA: te ego totis viribus, & visceribus, substantiæ, capacitatis-

citatisque meæ, diligo, cunctisque rebus plus æstimo, quæcumque Deus non sunt: sed Te uni, solique secundam Deo, uno solo minorem Deo, agnosco, & confiteor, & veneror. Etenim in solâ te plus DEI est: & ex sola te, plus in Deo est, quàm ex omnibus, quàm in omnibus Creaturis. Propter quod, merito charissima, & pretiosissima, & es ipsi Deo, & es pretiosior, amabilior, inæstimabiliorque omnibus simul creaturis.

## EXERCITIUM IV.

De P. Parente, naturali Dei sicut Matre, ita & Amatrice.

1. Statue te coram pretiosissimâ Parente Virgine Maria.

2. Expende eam esse veram, naturalemque DEI Hominis Christi Jesu Matrem.

3. Expendes, per hoc eam naturale jus habere ad Amorem, amicitiamque Dei: hoc est: ad diligendum Deum, & ad diligendum à Deo. Naturali quippe jure, & naturæ ductu amat, amareque debet Deum, utpote filium: & amatur vicissim naturæ debito, atque exigentiâ à Deo, tanquam à Filio.

4. Amat quidem, & amare debet naturaliter etiam omnis Dei Creatura Deum: amaturque item à suo Creatore. Nam Deus nihil odit eorum, quæ ipse fecit: est tamen infinitum discrimen, inter eam naturalitatem, quâ creaturâ obligatur ad Deum Creatorem amandum, quâque à Deo amatur: & inter eam naturalitatem, quâ Deum Maria diligit, & à Deo diligitur. Illa siquidem naturalitas Creaturarum ad DEUM